



Broj: 01/4-50-3-4-50/17
Sarajevo, 20.9.2017.

Z A P I S N I K

50. sjednice Komisije za finansije i budžet Predstavničkog doma Parlamentarne skupštine BiH, održane 19.9.2017., od 10 do 11,50 sati.

Sjednici Komisije prisustvovali su članovi: Predrag Kožul, Salko Sokolović, Nenad Lalić, Amir Fazlić, Jasmin Emrić, Mirsad Isaković i Damir Bećirović.

Sa sjednice su odsustvovali Aleksandra Pandurević i Dušanka Majkić.

Sjednici su prisustvovali: Zvonimir Kutleša, generalni sekretar Vijeća ministara BiH, Dragan Vrankić, generalni revizor, Jasmin Pilica i Ranko Krsman, zamjenici generalnog revizora u Uredu za reviziju institucija BiH, Amela Hasanbegović, šefica Odsjeka, i Sreten Čečar, šef Odsjeka glavne knjige trezora u Ministarstvu finansija i trezora BiH, Ranko Šakota, direktor Centralne harmonizacijske jedinice Ministarstva finansija i trezora BiH, Samir Mušović, savjetnik u Projektu USAID SGIP, Dragana Ćirić, stručna savjetnica u Uredu sekretara Komisije za finansije i budžet Doma naroda PSBiH, Bojan Milošević, volonter u Sekretarijatu PSBiH, Vlade Srdanović, stručni saradnik, te Željko Kosmajac, sekretar Komisije.

Sjednici su prisustvovali i predstavnici medija Ognjen Begović, novinar SRNA-e, i Hana Imamović, novinarka FENA-e.

Sjednicom je predsjedavao Predrag Kožul, predsjedavajući Komisije.

Za sjednicu je predložen sljedeći

DNEVNI RED

1. Usvajanje Zapisnika 49. sjednice Komisije;
2. Razmatranje Godišnjeg revizorskog izvještaja o glavnim nalazima i preporukama za 2016. godinu (sačinilac: Ured za reviziju institucija BiH).

Predloženi dnevni red usvojen je jednoglasno.

Ad.1. Usvajanje Zapisnika 49. sjednice Komisije

Zapisnik 49. sjednice Komisije usvojen je jednoglasno, bez primjedbi.

Ad.2. Razmatranje Godišnjeg revizorskog izvještaja o glavnim nalazima i preporukama za 2016. godinu (sačinilac: Ured za reviziju institucija BiH)

U uvodnoj napomeni predsjedavajući Komisije Predrag Kožul naveo je da Komisija, u skladu s Planom razmatranja revizorskih izvještaja o finansijskom poslovanju institucija BiH u 2016. godini, razmatra i Godišnji revizorski izvještaj o glavnim nalazima i preporukama za 2016. godinu. Također, predsjedavajući je članove Komisije upoznao i s Uporednim pregledom realizacije preporuka iz Izvještaja o finansijskoj reviziji za 2015. i 2016. godinu koji je sačinio Projekat USAID SGIP.

Godišnji revizorski izvještaj o glavnim nalazima i preporukama za 2016. godinu obrazložio je Dragan Vrankić, generalni revizor u Uredu za reviziju institucija BiH.

Potom je predsjedavajući otvorio raspravu u kojoj su učestvovali: Amir Fazlić, Mirsad Isaković, Jasmin Emrić, Damir Bećirović, Salko Sokolović, Predrag Kožul, Zvonimir Kutleša, generalni sekretar Vijeća ministara BiH, Dragan Vrankić, generalni revizor u Uredu za reviziju institucija BiH, i Ranko Šakota, direktor Centralne harmonizacijske jedinice Ministarstva finansija i trezora BiH.

Nakon rasprave, Komisija je jednoglasno prihvatila Godišnji revizorski izvještaj o glavnim nalazima i preporukama za 2016. godinu.

Također, Komisija je jednoglasno usvojila sljedeći zaključak:

- 1) Predstavnički dom Parlamentarne skupštine BiH traži od Vijeća ministara BiH da u roku od 30 dana izvijesti Komisiju za finansije i budžet Predstavničkog doma PSBiH o planiranim aktivnostima na realizaciji preporuka iz Izvještaja, a u roku od šest mjeseci o preduzetim aktivnostima na realizaciji preporuka, te da o preduzetim aktivnostima upozna i Ured za reviziju institucija BiH.
- 2) Potrebno je da Vijeće ministara BiH informaciju o preduzetim aktivnostima dostavi u tabelarnom prikazu tako da jasno naznači: naziv preporuke iz Izvještaja, planirane, odnosno preduzete aktivnosti na realizaciji preporuke, nosioce aktivnosti, rokove za realizaciju i stepen realizacije (realizirano, djelimično realizirano, realizacija u toku, nije realizirano - u tom slučaju potrebno je navesti razloge zbog kojih preporuka nije realizirana).
- 3) Predstavnički dom Parlamentarne skupštine BiH traži od Vijeća ministara BiH da u svoj Godišnji program rada za 2018. godinu uvrsti preporuke revizije iz Godišnjeg revizorskog izvještaja o glavnim nalazima i preporukama za 2016. godinu, s ciljem određivanja dvije grupe prioriteta: aktivnosti koje je moguće provesti tokom 2018. godine i aktivnosti koje je moguće pokrenuti tokom 2018. godine, te njihovog definiranja kao planskih aktivnosti unutar Godišnjeg programa rada za 2018. godinu.

Sekretar Komisije

Željko Kosmajac

Predsjedavajući Komisije

Predrag Kožul

Prilog: Neautorizirani transkript 50. sjednice Komisije za finansije i budžet PDPSBiH